

## REGLUGERÐ

um breyting á reglugerð nr. 530/1989,  
um frádrátt virðisaukaskatts.

### 1. gr.

6. tölul. 1. gr. orðist svo:

6. Öflun, rekstur og leigu fólksbifreiða, þ.m.t. skutbifreiða (station) og jeppabifreiða, fyrir færri en níu menn, enda hafi aðili ekki með höndum sölu eða leigu þessara bifreiða. Það telst fólksbifreið í þessu sambandi þegar leyfð heildarþyngd bifreiðar er 3500 kg eða minna og hún fellur ekki undir skilgreiningu 2. mgr. þessa töluliðar.

Bifreið með leyfðri heildarþyngd 3500 kg eða minna, sem aðallega er ætluð til vöruflutninga, telst vöruflutninga- eða sendiferðabifreið. Um frádrátt virðisaukaskatts vegna þessara bifreiða fer skv. 9. gr. Öll eftirtalin atriði þurfa að eiga við bifreið svo hún teljist aðallega ætluð til vöruflutninga:

- a. Skráð þyngd í fólksrými skal vera minni en helmingur af skráðri burðargetu bifreiðar. Miða skal við að hver maður vegi 75 kg.
- b. Farmrými, opið (pallur) eða lokað, aftan við öftustu brún sætis eða millipils skal vera a.m.k. 1700 mm. Sé það styttra skal það vera lengra en fólksrýmið mælt frá miðri framrúðu.
- c. Í farmrými mega hvorki vera sæti, sætisfestingar né annar búnaður til farþegaflutninga. Sé bifreið breytt úr fólksbifreið í vöruflutninga- eða sendiferðabifreið skulu sæti í farmrými fjarlægð með varanlegum hætti, t.d. þannig að sætisfestingar séu einnig fjarlægðar.

### 2. gr.

Reglugerð þessi er sett með stoð í 49. gr. laga nr. 50/1988, um virðisaukaskatt, með áorðnum breytingum, og öðlast þegar gildi.

*Fjármálaráðuneytið, 2. mars 1990.*

F. h. r.  
**Magnús Pétursson.**

*Snorri Olsen.*